

INDEX GEOGRAPHICUS. 101

est, quæ Gedeoni in Madianitas proficiscenti panem negavit, ut & Phannuel. Principes autem civitatis hujus Socoth severè postea puniit, iis cum tribulis, & spinis deserti contritis & imminutis, Judic. 8.

Socoth alia est urbs in sexta parte Tribus Judæ, inter Jether & Danna, Josue 15. v. 48.

Socoth. Exod. 12. v. 37. Profectique filii Israël de Rameffe in Socoth. 13. v. 20. Profectique de Socoth castrametati sunt in Etham in extremis finibus solitudinis. Etiam Num. 33. v. 5. Socoth est statio Israëlitarum inter Rameffe & Etham.

Sodoma Pentapoleos prima fuit, cum omnium prima inter eas quinque urbes semper nominetur: aliquando etiam sola, & aliquando cum Gomorrha tantum. Prima inter alias, Genes. 10. v. 19. & 14. v. 2. 8. Deuter. 29. v. 23. cum Gomorrha tantum, Genes. 13. v. 10. & 18. v. 20. & 19. v. 28. sola pro aliis omnibus, Gen. 14. v. 17. 21. & 18. v. 16. 22. & 19. v. 1. & Isaia 3. v. 9. Jerem. in Thren. 4. v. 6. Ezech. 16. v. 46. 48. 49. 55. 56. notandumque in Ezech. post Sodomam adjecisse ubique, & filia ejus, i. urbes alia circumvicina, & earum districtus; ubi oppida aliquot minora, & viculi, & villa quam plures fuere. Iterum Matth. 11. v. 23. 24. Luc. 10. v. 12. & 17. v. 29. & Mare Mortuum Esdras vocat Sodomiticum, 4. c. 5. v. 7.

Sogane, Joseph. in vita sua & alibi, oppidum in Gaulanitide, quod etiam si loci natura prævalidum esset, Josephus tamen muris & munitio- nibus circumdedit.

Solima Josephus in vita sua vicum habet in Gaulanitide.

Somer Mons, ubi Samaria.

Sophan. Inter urbes Tribus Dan est Sophan, Numer. 32. v. 35. inter Ethrod & Jazer: an alia sit Sophan, Jos. 13. v. 27. non facile est dicere; hæc tamen videtur non longè à Socoth, altera non longè à Jazer.

Sophim Mons inter Tribus Benjamin & Ephraim. 1. Reg. 1. v. 1. ubi lego: Fuit vir unus de Ramatha in Sophim, de monte Ephraim & nomen ejus Elcana, &c. Samuëlis (qui filius Elcanæ) domus in Ramatha, ut diximus in Ramatha, satis superque demonstrat hic legendum esse Ra- matha in Sophim; in monte scilicet, qui sit pars aliqua montis Ephraim. V. Ephraim mons.

Sorec Torrens, & Vallis inter Tribus Dan, & Simeon, Jud. 4. (Sam- son) amavit mulierem, quæ habitabat in Valle Sorec, & vocabatur Da- lila: ipsa autem à Principibus Philisthinorum impulsæ, ut blanditiis eli- ceret, sciretque in quo esset fortitudo ejus: sæpè delusæ, tandiù illi mo- lesta fuit, donec cognita causâ dormientem totondit, & detonsum in manus Philisthinorum tradidit: qui statim eum excæcatum, & catenis vinctum Gazam traduxerunt.

Spartiatæ aliàs Lacedæmonii, cives urbis & Reipublicæ illustris in Græ- cia, sive in Laconia, quæ Peloponnesi, quæ Græciæ pars est. Jonathas Machabæus cum Spartiatæ fœdus iniit, 1. Mach. 12. v. 2.

Specula, aliàs Spelunca, 2. Paral. 20. v. 24. Juda, cum venisset ad Spe- culam, quæ respicit solitudinem, vidit procul omnem latè regionem ple- nam cadaveribus.... v. 21. Venit Josaphat, & omnis populus ad detrahen- da spolia mortuorum.

Spelunca duplex prope Hebron, Gen. 23. v. 16. & seq. Eam emit (Abra- ham) ab Hephron Hethæo, solvitque quadringentis siclis argenti proba- tæ monetæ publicæ, & in ea sepelivit Saram uxorem suam. Gen. 25. v. 9. & sepelierunt (Isaac & Ismaël) eum (Abraham) in Spelunca duplici, quæ est sita in agro Hephron.... è regione Mambre. 49. v. 29. Jacob præcepit suis, ut sepeliretur cum patribus suis in spelunca duplici, v. 31. ibi sepe-

Latit.
Gr. Scr.

Longit.
Gr. Scr.

31. 17. 65. 52. $\frac{1}{2}$

29. 50. 63. 15.

31. 0. 66. 50.

33. 1. 68. 3.

32. 43. 68. 20.

32. 1. 67. 41.

32. 0. 66. 16.

31. 34. 65. 40.

35. 30. 29. 5.

31. 31. 66. 49.

31. 22. 66. 22. $\frac{1}{2}$